

FEDERACIÓN GALEGA DE BALONMÁN



**REQUISITOS  
SOLICITUDES  
FASES FINAIS**

**23-24**

**BALON  
MÁN**

## **REQUISITOS PARA A SOLICITUDE DE FASES FINAIS AUTONÓMICAS 23-24**

Lembramos que por acordo da Asemblea Xeral, calquera club ou institución poderá solicitar a organización de calquera Final 4 independentemente de que sexan participantes ou non. De haber unha solicitude por parte dunha institución, se hai club local, este deberá cumprir cos requisitos marcados neste documento no momento da solicitude.

Todos os clubs ou institucións interesados/as deben enviar un correo electrónico en tempo e forma a: [administracion@fgbalonman.com](mailto:administracion@fgbalonman.com). No correo deberá figurar o nome da fase solicitada, o/a solicitante e o proxecto para a súa celebración.

Calquera solicitude que non cumpra os seguintes requisitos será desestimada de xeito inmediato:

1. Estar ao día economicamente coa Federación Galega de Balonmán en canto aos pagos de: mutualidade, arbitrxes, sancións, dereitos de participación ou calquera concepto relacionado coa organización de encontros ou fases de competicións organizadas pola FGBm.
2. Ter correctamente metidos todos os datos de contacto do club na plataforma MiSquad, ademais dos seguintes documentos:
  - CIF
  - Estatutos
  - Acta de Xunta Directiva debidamente actualizada no rexistro da Secretaría Xeral Para o Deporte da Xunta de Galicia.
3. Non ter ningunha sanción por parte do Comité de Competición da FGBm relacionada coa violencia no deporte na presente campaña.
4. As Final 4 da mesma categoría e diferente xénero, celebraranse na mesma sede; polo tanto, a solicitude implicará a organización da Final 4 masculina e feminina.
5. Unha vez concedida a Final 4 ou fase solicitada, se o club ou entidade renuncia a organización será sancionado co pago do 100 % do canon.
6. O club ou entidade organizadora poderá xestionar a taquilla da Final 4 ou fase correspondente. O importe das entradas non pode exceder de 10 € para todo o evento.

A FGBm cede a totalidade da taquilla ao club ou entidade organizadora.

## CONDICIÓN PARA A CELEBRACIÓN DE FASES FINAIS

Será de obrigado cumprimento por parte dos organizadores:

- **ACTO DE PRESENTACIÓN:** Dentro dos dez días previos á celebración da fase deberá realizarse unha presentación oficial aos medios de comunicación do evento onde o club debe convidar a: Federación Galega de Balonmán, Secretaría Xeral para o Deporte, Deputación Provincial e Concello, ademais de patrocinadores ou colaboradores que considere o club ou a federación.
- **ATENCIÓN SANITARIA:** Será responsabilidade do organizador cumprir coa normativa vixente no Decreto 226/2022 de 22 de decembro polo que se regulan determinados aspectos da organización e desenvolvemento dos Espectáculos Públicos e as actividades recreativas en Galicia.
- **TENDA FGBm:** Habilitar unha zona de 15 metros cadrados na instalación de xogo a disposición da FGBm para colocar unha tenda.
- **AUGA:** O organizador debe proporcionar a auga para os equipos participantes, árbitros/as, anotadores/as, etc.
- **OFERTA DE ALOXAMENTO:** En caso de que algún dos equipos clasificados se atope a máis de 130 km de distancia da sede de xogo, o organizador debe presentar unha oferta de aloxamento en réxime de pensión completa nun lugar non máis afastado de 15 km da instalación de xogo. Esta oferta debe presentarse en tempo e forma coa solicitude, demostrando a dispoñibilidade de habitacións para o equipo que as poida precisar (certificado do establecemento). É recomendable presentar diferentes alternativas.
- **HORARIOS:** Os horarios dos encontros deberán ser aprobados polo departamento de competicións da FGBm a proposta do/a organizador/a.
- **INSTALACIÓN DEPORTIVA:** O pavillón onde se dispute o evento debera cumprir uns requisitos mínimos (accesos, vestiarios, iluminación, marcadores en bo estado...) para que dende a Federación Galega se autorice a ser un dos candidatos para ser sede da competición. Aforo mínimo: 500 persoas.

### CANON FASES FINAIS

CATEGORÍA	FASE	DATA CELEBRACIÓN	*DATA LÍMITE SOLICITUDE	Nº EQUIPOS	CANON
1ª Aut. Sénior	Final 4 Sénior 1ª Aut. Masculina e Feminina	20-21 Abril 2024	4 Abril 2024	8	4.500€
	Finais Copa Federación Sénior 1ª Aut. e 2ª Aut. Masculina e Feminina	25 Maio 2024	9 Maio 2024	6	800€
2ª Aut. Sénior	Final 4 Sénior 2ª Aut. Masculina e Feminina.	18-19 Maio 2024	2 Maio 2024	8	4.000€
Xuvenil	Final 4 Liga Ouro Xuvenil Masculina e Feminina	13-14 Abril 2024	28 Marzo 2024	8	2.000€
Cadete	Final 4 Liga Ouro Cadete Masculina e Feminina	4-5 Maio 2024	18 Abril 2024	8	2.000€
Infantil	Final 4 Liga Ouro Infantil Masculina e Feminina	27-28 Abril 2024	11 Abril 2024	8	2.000€
Alevín 7	Alevín 7: Fase Eliminatoria	11 Maio 2024	25 Abril 2024	8	1.000€
	Alevín 7: Final 4	25 Maio 2024	9 Maio 2024	8	1.800€
Alev.5/Benx	F. Eliminatoria Alevín 5 e Benxamín.	18 Maio 2024	2 Maio 2024	32	1.400€
	Final 4 Alevín 5 e Benxamín.	1 Xuño 2024	16 Maio 2024	16	1.800€

\*O prazo de solicitude remata o día que figura na táboa superior ás **14:00 horas**; polo tanto o formulario debe enviarse antes desa hora.

O canon, das Final 4 inclúe:

- Arbitraxes.
- Streaming (cámaras + produción + comentaristas): agás as alevíns e benxamín.
- Trofeos para os 3 primeiros clasificados da Liga 23-24.
- Detalle para cada xogador/a e adestrador/a dos tres primeiros clasificados da Liga 23-24.
- Montaxe cerimonia final.
- Envío invitacións autoridades.

Nas demais fases, o canon inclúe arbitraxes (nas Copas tamén trofeos). As fases finais que non figuren no presente documento serán adxudicadas pola FGBm por interese promocional.

**REQUISITOS  
SOLICITUDES  
FASES FINAIS**

**23-24**

